

Hivzija Hasandedić

ODBOR KULTURNO- PROSVJETNOG DRUŠTVA NARODNE UZDANICE U MOSTARU

27

Mjesni odbor Narodne uzdanice u Mostaru osnovan je na konstituirajućoj skupštini održanoj u augustu 1929. godine.¹⁾ Predsjednici, razni funkcioneri i odbornici ovog društva od 1929. do prestanka njegovog djelovanja koncem 1944. godine bili su sljedeći: hadži Mehmed-aga Bošnjčić, Hasan Ćišić, Salih-aga Efić, dr Ševkija Balić, Abdurahman Nametak, Husein i Salem Metiljević, Muhamed i Omer Hadžiosmanović, Muhamed Hadrović, Hamdija Hasanefendić, Halil Blagajac, Mirza Balić, Mustafa i Omer Kalajdžić, Sabit Milavić, Hasan Šiširak, Mustafa Lakišić, Mahmud Šemić, Hajrudin Trebović, Ahmed Sefić, Sulejman Demirović, Smail Dadić, Mustafa Ramić, Alija Kajtaž, Ahmed i Avdo Raljević i drugi.²⁾ Polovinom 1933. godine osnovan je u Mostaru i Ženski odbor Narodne uzdanice, u koje su kao funkcionerke i odbornice radile: Uzejfa Hadžiomerović (Alibegovica), Memnuna i Ilduza

Hadžiosmanović, Fehma Bašagić, Hiba Balić, Umi-ca Čišić, Enisa Efića, Munira Hamzić, Munira Rizvić i druge.³⁾ Glavni cilj i zadatak društva bio je da radi na kulturno-prosvjetnom uzdizanju muslimana i u tu svrhu su oba odbora priređivali u gradu i okolini: mevlude, predavanja, priredbe, zabave, sijele i tefe-riće.⁴⁾ Društvo se izdržavalo iz prihoda ubranih od članarina, raznih priredbi i jednokratnih pomoći. Mostarska gradska općina je 1936. godine dala ovom društvu pomoć u iznosu od 2 000 dinara.⁵⁾ Društvo je otvorilo svoj Muški konvikt u Mostaru, koji je počeo s radom 6. oktobra 1935. godine. Ta-da je u Konviktu priređen mevlud i održana akade-mija.⁶⁾ Od osnutka do konca 1936. Konvikt je radio u zgradi Hasan-bega Lakišića vakufa spram Kara-doz-begove džamije (sada je na tom mjestu dvo-katnica u čijem prizemlju radi prodavnica, a na spratu razne ustanove), od 1936. do 1940. u zgradi Muftijastva na Baščinama (sada ovdje radi Gradski orkestar), od 1940. do bombardiranja Mostara 14. januara 1944. u staroj Kajtažovoj kući nedaleko od Male Tepe, u kojoj je do 1940. radio Gajretov kon-vikt (sada se na tom mjestu nalazi zgrada Dječijeg obdaništa) i od 14. januara 1944. do konca ove go-dine u zgradi mekteba u Brankovcu koji je 1912. sagradio Mujaža Komadina (sada su ovdje privatni stanovi).

U ovom konviktu je 1935/36. škol. god. bilo 16 pitomaca, 1936/37. god. 18 pitomaca, 1937/38. god. 21 pitomac, 1938/39. god. 19 pitomaca i 1942/43 god. 48 pitomaca-stipendista.⁷⁾ Za školske go-dine: 1939/40, 1940/41. i 1941/42. nemamo poda-taka o broju pitomaca, iako se zna da je konvikt i u ovim godinama radio. Pitomci su povremeno, prili-kom vjerskih blagdana i državnih praznika, priređi-vali u konviktu: predavanja, deklamacije, recitacije, monologe i razne priredbe.⁸⁾ Od početka rada kon-vikta 1935. do njegova zatvaranja koncem 1944. godine, upravnici i vaspitači (prefekti) u njemu bili su: Alija Ahmić, vjeroučitelj, Husein Metiljević, na-stavnik, hafiz Salih Pužić, imam, Hasan Haćam, učitelj, Muhamed Čišić, službenik, Muhamed Hamido-vić, Ejub Kabil i Hivzija Hasandedić, vjeroučitelji.⁹⁾

Napomene:

- 1) *Narodna sloboda*, Mostar, 1929, broj 33
- 2) *Novi behar*, Sarajevo, 1929, broj 9, str. 150 i br. 10 str. 165; 1932. god. broj 3, str. 43; Jugoslavenski list, Sarajevo, 1933. god. broj 187, 1934. god. broj 159, 1936. god. broj 30 i 1937. god. broj 162
- 3) *Jugoslavenski list*, 1933. god. br. 237, 1935. god. br. 28, 1936. god. br. 30, 1937. god. br. 31, 32, 124, 184 i 191, 1939. god. br. 187 i 256, *Pravda*, Sarajevo, 1935. god. br. 31, 1937. god. br. 32 i 1940. god. br. 26

- 4) *Novi behar*, 1930, br. 17-18., str. 278; Jugoslavenski list, 1932. god. br. 232, 1933. god. br. 46, 1934. god. br. 37, 60, 173 i 208, 1936. god. br. 4 i 12, 1937. god. br. 124, 191 i 197 i 1939. god. br. 241 i 256; *Pravda*, 1933. god. br. 32 i 1936. god. br. 4

- 5) *Jugoslavenski list*, 1936. god. br. 4

- 6) *Novi behar*, 1935, br. 7-9, str. 113; *Pravda*, 1935, br. 28; Arhiva Vakufskog povjerenstva u Mostaru, akt br. 547/1935 i 532/1936

- 7) *Kalendari Narodne uzdanice* za godine: 1936, str. 176, za 1937. god. str. 188, za 1938. god. str. 223, za 1939. god. str. 197 i za 1943. god. str. 187-188

- 8) *Jugoslavenski list*, 1936, god. br. 93

- 9) *Jugoslavenski list*, 1936. god. br. 30, 1937. god. br. 7 i 50